




საქართველოს
საპატრიარქოს
პრესცენტრის
ყოველკვირეული
გამოცემა

20-26 დეკემბერი 2018 წ. გამოცემა 1999 წლის 8 იანვრიდან
ფასი 70 თეთრი

კათოლიკოს-პატრიარქს ილია II-ს გულოცავეთ აღსაყდრების 41 წლისთავს



სრულიად საქართველოს კათოლიკოს-პატრიარქს
ერთაშორის მშვიდობისა და მეგობრობის გაღრმავებაში
შეჭანილი წვლილისთვის სპეციალური ჭილღო გადაეწა

- ✠ ამონარიდები ქადაგებებიდან
- ✠ ქრონიკა. ინფორმაცია.
- ✠ ათი კეთროვანის განკურნება
- ✠ „გულისხმა-ჰყოფდით, რაი-იგი არს ნებაი ღმრთისაი“
- ✠ „ადმოსავლეთი და დასავლეთი - კულტურათა დიალოგი“
- ✠ ამერიკელი ფილოსოფოსის ლეჰცია-სემინარები ახალი საქართველოს უნივერსიტეტში
- ✠ ნიდა მონაჰე მეფე ვახტანგ მესამე
- ✠ მღვდელი მამსიმა ჭუმბაქა 1854-1935

ამერიკელი ფილოსოფოსის ლექცია-სემინარები ახალი საქართველოს უნივერსიტეტში

შეიძლება ითქვას, რომ ფილოსოფიური ტრადიციის, მსოფლმხედველობის, სააზროვნო სისტემების საფუძველს ანტიკური სააზროვნო ტრადიცია წარმოადგენს. ის განაზრებანი, რომლებიც ანტიკური ხანის მოაზროვნეთა მიერ ყალიბდებოდა, ხშირ შემთხვევაში, უნივერსალურ ხასიათს იღებდა და შემდგომ პერიოდებში დიდი ინტერპრეტაციის, კომენტარების და სახეცვლილი გადმოცემის საფუძველი ხდებოდა. ცხადია, პირველ რიგში, ამგვარ განაზრებათა რიცხვს პლატონი უნდა მივაკუთვნოთ, რომლის ფილოსოფიასაც მოგვიანებით მრავალი მეტაფიზიკური, ეთიკური თუ პოლიტიკური სააზროვნო მოდელი დაეფუძნა.

პლატონის (ძვ. წ. 427-347 წწ.) ერთ-ერთი უმნიშვნელოვანესი ტექსტი მისი დიალოგი „სახელმწიფო“ (Πολιτεία), რომელშიც საზოგადოებრივი ცხოვრების, ადამიანური სოციაუმის ის ფორმაა აღწერილი, რომელიც ყოფიერების უმაღლეს პრინციპებს ეფუძნება. სწორედ ამ საკაცობრიო ღირებულების ტექსტის განხილვას ეძღვნებოდა 2018 წლის 10 დეკემბერს ახალი საქართველოს უნივერსიტეტში ჩატარებული სემინარი, რომელსაც ამერიკელი ფილოსოფოსი - ლანსელოტ ფლეტჩერი - უძღვებოდა, რომელსაც დიალოგთან „სახელმწიფო“ მრავალწლიანი მუშაობის გამოცდილება აქვს. სემინარზე ე. წ. „ნელი კითხვის მეთოდის“ მეშვეობით დამუშავდა ტექსტის რამდენიმე ფრაგმენტი, რომელიც ფილოსოფიით დაინტერესებული მკითხველისთვის ყოველთვის განსაკუთრებული ყურადღების საგანი იყო. ამასთანავე, სემინარის ფარგლებში განხილულ იქ-

ნა დიალოგის მნიშვნელობა, გავლენები ძველ და თანამედროვე სააზროვნო სივრცეზე. სემინარს, რომელსაც ახალი საქართველოს უნივერსიტეტის სტუდენტები და სასულიერო პირები ესწრებოდნენ, თან ახლდა ნაყოფიერი დისკუსია.

2018 წლის 11 დეკემბერს ლანსელოტ ფლეტჩერმა ახალი საქართველოს უნივერსიტეტში კიდევ ერთ მნიშვნელოვან შეხვედრას უხელმძღვანელა - ახალი დროის დიდი ებრაელი მოაზროვნის, ბარუხ (ბენედიქტუს) დე სპინოზას (1632-1677 წწ.) შესახებ სემინარს. სპინოზა ის მოაზროვნეა, რომელმაც დიდ წილად ხელი შეუწყო ახალი დროის ევროპაში ღირებულებათა, ძირითად მიმართულებათა ცვლილებას. მიუხედავად იმისა, რომ ის ტრადიციულ რელიგიურ სააზროვნო სივრცეებში მიუღებელი მოაზროვნე იყო, მომხსენებლის აზრით, მისი ფილოსოფიის საფუძვლიანი, ღრმა ანალიზი ადამიანს გზას უკვალავს ქრისტიანობისკენ. სემინარის ფარგლებში განიხილეს მისი შემოქმედების მთავარი პრინციპები, გავლენები, საგანგებო ყურადღება მიექცა მის მოძღვრებას პირველი მიზეზის შესახებ. სემინარზე - კითხვა-პასუხის ფორმატით - აუდიტორიას საშუალება მიეცა სპინოზას ფილოსოფიის შესახებ მრავალმხრივი და კვალიფიციური ინფორმაციები მიეღო.

ნიკოლოზ კოპალეიშვილი
*ქრისტიანული ფილოსოფიის მაგისტრი,
ახალი საქართველოს უნივერსიტეტის
კავკასიური ფილოსოფიისა და თეოლოგიის
სამეცნიერო-კვლევითი არქივის
ასისტენტი-მკვლევარი*